

Arubaanse Courant

Día Huebs 27 di April 1967

No. 9036

FORZA AEREA A BOMBARDEA HANOI Y HAIPHONG INTENSAMENTE AWE

GON--UPI--Avionnan norteamericano awe pa di tres dia consecutivo a bombardea e region Hanoi y Haiphong.

E transmisionnan di radio comunista a informa qu tabatin allanan aerea encarnisá y qu cu avion norteamericano y un helicop- ter di rescate a ser tum-

E ataque di awe tabata e bombardea mas intenso di e guerra actual y e tabata asina amplio e tabata parse esunnan qu durante segunda guerra mundial e adonan a realisa contra Alemania Nazi.

Siman pasá un vocero di fuerza

aerea a declara cu e intensificacion di e bombardeonnan contra Vietnam del Norte dia pa dia mas tabata parse eataquenanae- rea contra Alemania.

Merca a revela qu dos otro aparato a ser tumba dialuna y ayera loque ta aumenta e cantidad di avionnan qu e comunistanan a tumba, na seis. Cue ultimocifranan aki, e total di avionnan qu Merca a perde den combatenan aereo na Vietnam ta 516.

E comunistanan ta bisa qu den e ultimo tres dianan aki nan a tumba 31 avion jet y un helicop- ter norteamericano.

Un vocero militar a declara

qu e avionnan Thunderchief a atacanan brugnan pa transporte ferroviaria y carreteranan na como seis kilometer noord di e capital Norvietnames.

E blanconan qu a ser atacá awe tabata esunnan qu anteriormente no por a ser atacá, loque ta enfoca mas tantu ainda e proposito di e militarnan di aumenta constantemente e presion te qu Hanoi dicidi di bai mesa di negociacion. Un vocero di fuerza aerea a sugeri pa nan intensifica e bombardeonnan gradualmente te ora qu nan logra obligá Vietnam del Norte di sinta na mesa di negociacion.

E brug qu nan a ataca awe ta esun riba cual e unico linea di trein ta conduci pa norte y cu frontera di China Comunista. Te ainda no ta conoci cuantitu e dañonan qu e ataquenan di awe a causa.

Mientras tantu e bombarderonan B-52 ta lagando centenares di tonelada di bom cai riba fortalezanan comunista qu despues di a pasador di e zona desmilitarisá a amenazando awor e provincianan septentrional.

PRESUNAN POLITICO A SER TRASLADA

ATENAS--UPI--E regimen militar engrenda na Grecia pa un cuartelazo a traslada ayera cientos di presunan politico na islanan penal desola, aprobechando dje soledad den cual e cajanen di Atenas ta queda.

Fuenternan bon informa a bisa cu den oranan anterior pa manece

nan a tende tiroteo na e luga ei, cu a bira un intensidad pa e soldanan cu a dispara den aire pa swanima cualke curioso na mira e traslado dje presunan.

E fuenternan referi a bisa cu e presuna a ser transporta den camionnan na Puerto di Pireo, camina a pone e presunan abordo di barcu afin di bai hiba nan na e islanan di Yura : San Efestratios y Makroyannis den e mar EGEO.

I e islanan no a ser utiliza desde mas cu 10 anja, tempu cu el a ser abarrota di presunan di guerra civil griega anti-comunista di 1944-1949.

REUNION DI JOHNSON CU DE GAULLE NA ENTIERRO DI ADENAUER TABATA NEUTRAL

ONN--UPI--Estadistanan di Mundu Liber awe a regresa nan paisnan respectivo, despues di a cumpli homenahe ultimo na e ex-canciller Konrad Adenauer.

El presidente di Estados Unidos, Lyndon B. Johnson a regresa awe tardi pa Washington, Pero promer cu esey lo e tene un combersacion politico serio cu anciller Kurt George Kiesinger riba problemanan cu a surgi entre e relacionnan Germano-Norteamericano.

El promer Minister Britanico Harold Wilson, a regresa Londen awe mainta.

El presidente Frances Charles de Gaulle, promer Minister Italiano Aldo Moro y hefe di e Go-

bierno Belga, Paul van den Boeyants, a sali ayera destiná pa nan capitalnan respectivo, despues di e reunion mas grandi y distinguf di estadistanan, politico y diplomaticanan occidental cu a tu-

ma lugar na mundu desde e ceremonia funebral di Presidente John F. Kennedy, na November 1963. Sin embargo, e concentracion di figuranan grandi na e capital aki no a produci e conferencia cumbre cu tabata ser sperá, pero hopi di e ministernan a hanja oportunidad pa realisa algun discusion politico discreto.

Johnson a reuni cu Kiesinger y Wilson, Morodurante menos tempu cu otro lidernan occidental. De Gaulle a papia 50 minuut cu Kiesinger y tambe ela papia informalmente cu Wilson brevemente.

Pero e reunion entre de Gaulle y Johnson no a tuma lugar. Nan a duna otro man y a sonref cu otro promer cu e lunch cu


canciller Kiesinger a ofresen. Segun fuenternan Frances, Johnson a duna e presidente Frances un invitacion vago pa e bai bishitele na Washington. Pero e noticia aki no por a ser confirmá den circulonnan Norteamericano.

FATUM

Pa tur bo asegurado
Tel. 1845



Presidente Henrich Luecke di Alemania Occidental a forma un triangulo den e "shake hands" entre presidente Charles de Gaulle y presidente Lyndon B. Johnson promer cu e lunch oficial na cual nan a asisti ayera na Bonn na Villa Hammerschmidt. --UPI Radiophoto --



Un momento di e ceremonia funebral na Cologne ayera ta muestra con nan ta carga e caha di morto di Konrad Adenauer saca for di e catedral, entre un guardia militar di honor. Radiophoto UPI.--

DE VEER THEATER - aire acondicioná

ta presenta awenochi 27 april

„LA PATOTA,,

Cu: Mirtha Legrand en Jose Cibrian

f. 1,50

18 gña

GRAN SORPRESA DI DOLE

pa 1967

ALGO GRANDI -- ALGO SENSACIONAL

SPAAR ETIKETNAN DI DOLE

mas etiket bo tin mas chens bo tin

keda pendiente na e Anuncio di DOLE

Agente pa Aruba: ARENDS AGENCIES

SAM'S SUPERMARKET

*Completamente "Self-Service"

*Productonan di calidad na prijsnan rebahá.

Hendrikstraat 28,
Tel. 1541

AVISA DEN AR.COURANT



30 DIFERENTE DRINKS CU BACARDI?

Sigur - y mas tambel
Bacardi ta trahamas
sorto di drinks cu
cualquier otro likor
cu nos conoce.

Daiquiri, Manhattan,
Highball, Bacardi -
Cocktail - y hopi mas.

Pa cuminza, cumpra
un botter y purba e
recetanan riba e label
patras.

JUST RECEIVED

MAIDENFORM

BRASSIERES &
GIRDLES

PALAIS ORIENTAL

Oranjestad - San Nicolas

Ayuda di Lions Club na hendenan pover

ORANJESTAD - Na ocasion die 50 anja di existencia di Lions internacional, Lions Club di Aruba ta organiza algun actividad. Entre otro, e club ta entrega un suma di fls. 2500.-- na e comunidad, pa drecha casnan di e hendenan pover na Aruba.

E comision cual ta encarga cu e tarea aki ta consisti di srs. Jan C. Lacle, J.A. van der Schoot, Tico Kuiperi y Frans Schuit. E jubileo di oro lo worde celebra na luna di juli, na mes tempo cu e instalacion di e directiva nobo di Lions Club di Aruba.

For di 18 pa 21 di mei lo worde teni na Venezuela, e convencion anual di e distrito na cual Aruba ta pertenece. E club di Aruba ta worde representa oficialmente pa presidente Everett Beaujon, secretario Joop Brattiniga y tesorero Kees de Jong, y tambe e presidente nobo eligi, Rudy Beaujon. Ademas, lo tin diferente miembronan di Lions y nan esposa, cu lo viaha pa Venezuela.

Programa pa manifestacion nacional den stadion

ORANJESTAD - Den cuadro di e celebracion di cumpleaños di S.M. reina Juliana, lo worde organiza diadomingo awor pa shet'or y mei di anochi, un manifestacion nacional den Wilhelmina Stadion. E programma die anochi aki ta bau di sr. John Merryweather.

E programa di e anochi, cual ta worde organiza pa Oranje Vereniging, ta manera ta sigi:

Apertura pa e presidente di Oranje Vereniging; actuacion di San Fernando beatband; A.M.G. de Trupialen; N.P.G.; entrega di trofeo pa diputado D. Tromp, a.p.v. drumband; baile di cinta bau direccion di sr. Mimmie Kock, beatshow pa The Golden Treasures y como punto final actuacion di e drumband di Marina.

Entrada pa mucha ta diez placa y pa hende grandi cincuenta cent. Entrada lo ta na beneficio di Koninkin Wilhelmina Fonds pa combati kanker na Aruba.

Encuentronan di landamento anja di La Reina

ORANJESTAD - Na ocasion die cumpleaños di S.M. Reina Juliana lo worde teni dia 1 di mei pa diez'or y mei di mainta, encuentronan di landamento na e Ball pier na Oranjestad.

Donjonan di botonan cu ta mara na e pier aki ta ser suplica cortes pero urgentemente pa kita nan boto di e pier aki prome cu och'or di mainta dia 1 di mei. Despues di diezdos'or di merdia, nan lo por bolbe mara e botonan na e pier.

E encuentronan di landamento lo worde teni pa e siguiente gruponan: mucha muher y mucha homber te cu 12 anja, mucha muher y mucha homber di 12 pa 15 anja y hende homber di anja p'ariba.

E encuentronan di pustamento di boto ta especialmente pa e botonan di piscu. Nan ta worde teni pa dos clase di boto, esta botonan grandi y botonan chikito.

E informacionnan aki riba a ser duna pa e havenmeester di Aruba.

MUTACION DEN SERVICIO DI GOBIERNO CENTRAL

ORANJESTAD - E siguiente mutacionnan a tuma lugar di personalnan den servicio di gobierno central na Aruba.

NOMBRACIONNAN

Sr. P.M. Erasmus, como hulp-kommies der belastingen den servicio temporario.

Sr. B.A. Boekhoudt, como hulp-kommies der belastingen den servicio temporario.

Srta. G.M. Boekhoudt, como schrijver B den servicio temporario na e departamento di justicia.

PROMOCIONNAN

Sr. E. Matthild, klerk B na Lands ontvanger pa adjunct-kommies Srta. J.A. Brion, di schrijver B den servicio temporario na e departamento di justicia, pa klerk B den servicio temporario.

Srta. T. Hill di schrijver B den servicio temporario na e departamento di cultura y educacion, pa klerk B den servicio temporario.

Sr. V.M. Wouters, di klerk B den servicio temporario na e departamento di asuntunan social y economico, pa adjunct-kommies den servicio temporario. Srta. S.L. Bradshaw, di schrijver B den servicio temporario na oficina di adjunct-inspecteur der belastingen, pa klerk B den servicio temporario.

TRASLADO

Sr. I.R. Maduro, polis eerste klas na Corsow, pa Aruba.

Sr. E.G. Wong A Soy, hoofd-kommies na postkantoor na San Nicolas, pa Postkantoor na Oranjestad.

Sr. P.I. Ravine, hulpkommies der belastingen den servicio temporario na Aruba, pa Bonaire. RETIRO HONOROSO

Sr. J.F. Bouwman, hoofd-kommies na Postkantoor na Oranjestad, riba su peticion.

KARLOVI VARY--UPI--Polonia a propone un pacto entre e nacionnan comunista y esunnan occidental di Europa, renunciando e uso di fuerza y e intervencion den asuntunan di cada un, manera oficialmente a ser bisa.

Hefe di Partido Polaco Wladisl Gomulka a haci e proposicion ei na e conferencia di 24 partido, Comunista di este y oeste di Europa, formulando un plan conjunto pa un arreglo general Europeo

STOCK MARKET

Addressograph	49 7/8	Lockheed Aircr.	63 3/8
ACF Ind.	50	Loew's Inc.	52 1/4
Allied Chemical	40 1/2	Lonestar Cement	17 5/8
Allis Chalmers	23 7/8	Mont Ward	27
Aluminum Co.	90 1/8	Monsanto	52 5/8
Amerade	92 1/8	Nat. Acme	48 1/2
Am. Can	59	Nat. Cash. Regist.	95 1/4
Am. Foreign Power	21	Nat. Distillers	44 1/2
Am. Metal	50 3/8	National Lead	61 3/4
Am. M. Fdy	18	New York Central	69 3/4
Am. Std.	23 3/4	No. Am. Aviation	
Am. Smelting	59 5/8		
Am. Tel. and Tel.	58 3/4	Olin Mathieson	46 3/8
Am. Tobacco	34 1/2	Otis Elevator	69 7/8
Anaconda Copper	88	Pac. Gas & Elec.	46 3/4
Armour	35	Pan. Am. Airways	37 1/4
Atlantic Refinery	89 7/8	Paramount Pictures	69 3/8
Atlantic Castle	77	Penn Railroad	56 5/8
		Phillips	58 3/4
Balt Ohio	--	Public Service E.G.	35
Bell Int.	10		
Bendix Aviation	41 1/2	RCA	55 1/4
Bethlehem Steel	37	Republic Steel	47 7/8
Blaw	30 1/8	Reynolds Tobacco	40 5/8
Boeing Airplane	94 3/4	Royal Dutch	35 1/2
		Servel	9 1/2
Canadian Pacific	64 7/8	Sinclair Oil	--
Caterpillar	48 3/4	Sears Roebuck	57 1/2
Case (J.I.)	18 1/8	Shell Oil	66 3/4
Cerro de Pasco	37 1/4	Socony Mobil Oil	76 3/4
Cheseapeake & Ohio	67 3/8	South. Co.	29 1/8
Chrysler	43 5/8	South. Rail	51 1/4
Columbia Gas	27 3/8	Sperry Rand	32 7/8
Con. Ed.	35 1/4	Standard Oil of Cal.	59 5/8
Cons. Elec. Ind.	52 3/8	Standard Oil of Ind.	57 1/8
Cong. Nan	22	Standard Oil of N.J.	63 1/2
Continental Can	50 1/4	Standard Brands	36 1/4
Continental Steel	31	Stone Webster	61 3/8
Corn Products	43 3/4	Studebaker	59 1/8
Crown Zellerbach	53 5/8	Swift & Co.	54 1/2
Curtiss Wright			
Det. Edis.	24 1/4	Texaco	74 7/8
Douglas Aircraft	31 1/2	Texas Gulf Sulphur	117 5/8
Dupont Nemours	58 7/8	Texas Instruments	135 3/8
Eastman Airlines	166 1/2	Textron Inc.	69 7/8
Eastman Kodak	100	Timken Roller Bearing	39 7/8
Western Bancorp	148 1/2	Twentieth Century Fox	49
Firestone	31 3/8		
Ford Motor	48 5/8	Union Carbide & Carbon	55 3/8
		Union Pacific	39 3/8
General Electric	54 1/8	United Aircraft	96 1/2
General Foods	93 3/4	United Airlines	85
General Motors	71 1/4	United Fruit	39 3/4
Gillette	82 1/2	United Gas Corp.	66 1/2
Glidden Co.	51 3/8	United Steel	46 3/8
Goodrich	21 1/8	United Gypsum	80
Goodyear	61	U.S. Rubber	41 1/4
Grace	43	U.S. Smelting	61 3/4
Greyhound	51		
Gulf Oil	24	Warner Bros.	23 1/2
Hud Bay M.	65 3/4	Westingh. Air Brake	35 1/4
Hupp	61	Westingh. Electric	57 1/4
		Woolworth	22 7/8
IBM	4 7/8	Dow Jones Index	891.20
Insp. Corp.	48 1/4	Ark La Gas	43
Int. Harvester	33 7/8	Brit. Am. Oil	32 3/8
Int. Nickel	36 1/2	Brit. Petr.	--
Int. Tel. and Tel.	89 1/8	Creole Petr.	34 1/4
Johns Manville	92 1/2	Electron Spl.	17 1/4
Jones and Laughlin	58 1/8	Espey Mfg.	29 7/8
	60 1/2	Giant Yell	8 1/4
Kan City So. Ind.	43 1/8	Husky Oil	18 3/4
Kennecott Copper	37 3/8	Norl. So. Ry	13 5/8
K.L.M.	106 1/2	Seaman Br.	40
Koppers	35 1/4	SBD. W. Air	6 5/8
Kroger Co.	22 5/8	Syntex	104 7/8
Lehman Corp.	33 5/8	Tech. Mat.	14 1/8

E proposicion aqui ta esun di ultimo di un serie di otro sugestionnan respecto di un programa conjunta comunista pa posible conversacionnan cu oeste den un conferencia Pan-Europea.

E plan Polaco ta eludi e problema discuti den un pacto general di no-agresion entre este y oeste, cual plan no a ser ricibi cu mucho entusiasmo na oeste. E pacto tin porfin un arreglo colectivo Nacionnan Unidicada lado dje cortina di heru lo mester renuncia uso di fuerza pa arreglo dje diferencianan politica y territorial pendiente.

Lo pidi na e mes ora pa abstene di interveni den asuntunan interno dje demas paisnan.

Previamente Polonia a sugeri e conocido "Plan Rapacki" cual su version di mas ta inclui un yamamentu pa congelacion dje armamentu nuclear den America Central.

Dirigentenan dje 24 partidonan encabeza pa Union Sovietica tambe a propone un plan mas amplio pa un arreglo general europeo basa den e solucion pa 1969, dje tratadonan antagonica di defensa dje organizacion dje tratado di atlantico del Norte (OTAN) y e pacto di Varsovia.

Violencia y desunion ta reina na Nigeria

LAGOS--UPI--Nigeria, dividi pa disensionnan trival y regional, a dal awe un paso mas den un direccion di un quibramentu cupor a forma un violencia nobo, ensangrando e pais.

E region oriental, ricu na petroli, a anuncia anochi cu e no por considera como cu e supremo corte federal di Lagos, e tribunal di apelacion di mas altu dje pais. Envez di esei lo e designa su propio corte di apelacion.

E decision a sigui na e asalto den pleno vuelo di un avion di pasahero di Nigeria Airways pa partidarianan dje region oriental, deseoso di crea su propio fuerza aerea.

E gobernante general di Nigeria teniente Coronel Yakubu Gowon a adverti e teniente Coronel Ojuwku dje zona oriental cu lo emplea e fuerza si esei ta necesario, pa impedi e nacion di dividi.

Cualquier intervencion stranjera den e conflicto, Gowon a adverti na e diplomacionan aya lo ser considera - y trata - como un pacto inamistoso.

GRAND OPENING



VRIJDAG
28 APRIL 1967

5 UUR DES NAMIDDAGS

BOEKHANDEL
van dorp
ARUBA N.V.
NASSAUSTRAT 77



TER GELEGENHEID VAN DE OFFICIELE OPENING IS HET ONS EEN GROOT GENOEGEN U ALLEN OP ARUBA UIT TE NODIGEN EN TE BEGROETEN OP DIT VOOR ONS ZO BELANGRIJKE MOMENT.

LIEFST GEEN BLOEMEN, MAAR HET EVENTUELE BEDRAG STORTEN OP BANKREKENING VAN LIEFDADIGHEIDSINSTELLING "A R C A".

P.S. GELIEVE DIT ALS EEN PERSOONLIJKE UITNODIGING TE BESCHOUWEN.

PAGINA DEPORTIVA

PRESENTA

PA:



BLANQUEO PA SUAREZ AMSTEL A GANA GROOT KWARTIER

WILLEMSTAD, -- Despues di hopi dia inactivo, por fin e terreno di Stadion di Rif tabata den condicion atrobe cu por a realiza un evento deportivo. Groot Kwartier Stars y e cerveceronan di Amstel a libra un partido basta interesante cu a termina den un blanqueo di 5-0 pa e muchanan di Oy Sprock. No obstante hopi chens cu Stars a hanja, pitcher Errol Suarez a bolberesponde como un di e mihor pitcher nan di Antillas. Den situacionnan dificil e ta domina su bateadornan, pa asina el a mantene e blanqueo na favor di su club.

E partido a cuminsa interesante. Amstel den su prome turno ta ser retira via 1-2-3, pero Groot Kwartier Stars, bao di direccion di Kanga Chirino y Raul Olaria (ex Amstel) ta pone un homber na base den e mesun inning despues di dos out. E hit aki a bini di bate di Stanley Landburg. Despues di dos out, Suarez ta domina Paulina cu force out.

Riba error di e centerfield Juan Fornerino ta yega base despues di dos out.

Groot Kwartier Stars den su turno na bate a pone e publico chikitu cu tabata presente den Stadion pensa, cu nan ta bai anota carreda den e inning aki. Rosales ta bira e prome out, ora e ricibi tres strike.

Hoek (futbolista di Skerpenne) ta conecta e segundo hit pa Stars, mientras Wernet tambe ta conecta ingogible pa yena etres basenan.

Gosepa ta bati pa fielders choice, mientras e basenan ta keda ocupa. E ultimo bateador di e inning aki

tambe ta forsa un corredor, pa asina Suarez sali ileso di e compromiso. Amstel ta ser retira uno-dos-tres den tercer inning, mientras Stars ta bolbe menasa. Despues di un

Riba e combinacion aki nos por mira na man robes un momento di bataso, mientras cu Fifi Maria ta corre yega primera base, net un poco laat.

out, e prominente hungador di Groot Kwartier Stanley Landburg ta conecta triple den right center. Lastimamente e hungador ei no por a move for di tercera, como cu Suarez ta domina e dos siguiente toleteronan.

Amstel ta yena base den cuarto inning, pero e turno a corresponder na pitcher Stanley Gosepa pa domina e bateadornan rival, evitando asina cu nan por a anota carreda den e inning aki.

E muchanan di Oy Sprock a cabu cu tur e speranzanan di

Stars den quinto inning, ora cu nan amarca dos carreda, cual tambe tabata suficiente pa obtene un victoria.

Maria ta bira e prome out cu rolling den man di pitcher. Suarez ta enbasa riba error en tiru di shortstop. Wilson Obispo ta conecta doblete impulsando Errol Suarez pa e prome carreda cervecero. Un wild pitch despues ta permiti Obispo tambe anota for di tercer base.

Den sexto inning tabata e cerveceronan di Amstel atrobe cuta

anota carreda. Juan Fornerino ta conecta hit y riba segunda base, despues cu Martha a muri di 6-3. Sanchez ta poncha mientras Maria ta conecta incogible pa empuha Fornerino. Score 3-0.

No a bini nada pa Stars den e inningnan siguiente, mientras Amstel ta amplia nan ventaha na cinco-cero den octavo episodio.

Martha ta conecta hit, mientras Juan Fornerino ta enbasa riba error di shortstop. Freddy Martina ta dreña pa Sanchez,

Errol Suarez cu a resulta e pitcher ta anota e prome carreda di su equipo.

connectando hit y anota un carreda. Fla Maduro tambe ta dreña di emergente y ta conecta fly di sacrificio pa empuha e ultimo carreda di e partido.

Numeritonan final di e encuentro tabata:

AMSTEL:
5 carreda, 8 hit y 1 error. Mihor bateadornan Freddy Martina cu un hit den un oportunidad y Harold Oehlers cu dos hit den cinco turno.


Pitcher ganader a bira Errol Suarez cu a cubri henter e distancia.

GROOT KWARTIER STARS:
0 carreda, 6 hit y 5 error. Mihor bateador Hoek cu dos den tres turno y e Pitcher perdedor Stanley Gosepa cu tambe a cubri henter e distancia.

Diahuebs awor, cu awaceru permiti, campeonato di baseball Doble A ta continua cu e partido entre e idolonan di baseball local Blue Hawks y e campeonnan di Corsouw Firestone.

Hopi hende rondona, kiko a pasa? Stanley Landburg despues di a captura un roletazo ta sinti su pia, na momento cu e ta tira primera.





BO TA GANJA BO WOWONAN



Lus ta mas barata cu bo bista, pesey no chan-
za cu bo wowonan.


Naturaleza a crea bo wowonan pa mira den cla-
ridad di dia. Tantom cu luz electrico no a wor-
de inventá, iluminacion artificial tabata suficien-
te.

Pero awendia tin millones di hende ta maltrata
nan wowonan, usando mucho poco lus y lampi-
nan inadecuado na lugarnan inadecuado.

Sigurabo mes, cu bo tin hopi di e tipo correcto
di lus pa cada trabou di bista. Bula bai bek na
naturaleza...electricamente!



:No menos cu 150 watts
pa lesa & cose



No menos cu 100 watts
pa hunga carta.

Reddy Kilowatt

TEL. 1729

N.V. ELECTRICITEIT-MAATSCHAPPIJ "ARUBA"

PARTICIPACION

Cuminzando promer di mei e companianan

ALM - KLM - PAA - TCA

Io no duna **KREDIET**

mas pa transporte di

CARGA AEREO

Esaki ta válido pa toer carga coe ta drenta
y sali for di Antillas.

MIRA BOU DI E TAPA
di
**PEPSI-COLA; SEVEN
UP; KIST; GRAPETTE;
VICTORIA SODA-
WATER.**

E tapa bou di cual
ta skirbi:

PREMIUM 1967

bo por cambia, tantem cu tin
na stock, pa:

3 tapa - 1 ballpoint
5 tapa - 1 glas
15 tapa - 1 telefoon directory
20 tapa - 1 deskroller pat
30 tapa - 1 T-shirt
35 tapa - 1 lighter
Y SIN PAGA NINGUN CEN
ASERCA.

Esaki ta worde ofreci sola-
mente pa e fabrica di limona-
da di mas grandi, mas moder-
no y mas popular di Aruba.

**VICTORIA BOTTLING
COMPANY**

SAN NICOLAS - Tel. 5192

Abona
Arubaanse
Courant

MANCHEBO BEACH

PRESENTS

A weekend with ROTARY FEATURING
from Medellin

TITA Y SU CUMBIAMBA

APRIL 29 -30 - MAY 1

APRIL 29

Una noche en Guadalajara with
THE MARIACHI ARUBA.
Surprise Midnight Show.

**SPECIAL MENU: GUACAMOLE; SEVICHE;
SOPA DE FRIJOLE; CARNE ASADA A LA
JAMPIQUENA; POLLO TABASQUENA**

APRIL 30

Queen's Birthday Celebration
MORON COMBO
TITA Y SU CUMBIAMBA

MAY 1

GRAND FASHION SHOW
TITA Y SU CUMBIAMBA

Aruba's loveliest models will show the
newest creations from Palais Oriental,
Whitfield and La Linda

ENTRANCE: F. 5.00 per person Each Night



**Eilandgebied De Bovenwindse Eilanden
Nederlandse Antillen**

het Bestuurscollege van het Eilandgebied De
Bovenwindse Eilanden te Sint Maarten roept sol-
licitanten op naar de betrekking van

HOOFD

van de Openbare John Philipsschool voor MULO-
Bovenbouw te Philipsburg, Sint Maarten.

Gevraagd worden: Ruime ervaring, bij voorkeur in de Neder-
landse Antillen gedaan en het bezit van de akte van bekwaam-
heid als volledig bevoegd onderwijzer, alsmede een der navol-
gende lagere of middelbare aktes, wiskunde, Handelskennis,
Spaans en Frans.

Bezoldiging volgens het Onderwijsbesluit 1935 no.49 met
duurtetoeslag volgens P.B.1942 no.195 zoals het laatst
gewijzigd bij P.B. no.208.

Sollicitaties binnen 14 dagen na het verschi-
nen van deze advertentie in te zenden aan de
Gezaghebber van het Eilandgebied De Boven-
windse Eilanden te Sint Maarten.



S.E. Gobernador Debrot a entrega un cheque na señora J. Oenes y señora D. Maduro, como promer aporte na e campaña di colecta di Konigin Wilhelmina Fonds, pa combati cancer. Manera ta conoci, e fundacion aki ta tene diferente colecta tur aña pa obtene fondo pa yuda hendenan qu ta sufrí di cancer na Corsow.

VISITANTENAN PROMINENTE A BISHITA SINT MAARTEN

WILLEMSTAD- Dia 15 di april ultimo, gobernador Nelson Rockefeller y David Rockefeller, acompañá pa algun amigu a yega Sint Maarten. Nan tabata den compañía di señor Douglas Dillon, ex secretario di estado na Merca. E grupo tabata viahando den e avion "Fairchild 27" di David Rockefeller y a pasa St. Maarten procedente pa St. Barths.

Di Sint Maarten nan a sigui pa St. Barths bordo di nan yate pa pasa algun dia di vacacion den nan bungalow riba e isla aki. E siguiente dia e embahador Hulandes na Washington, S.E. Schuurman, a bishita St. Maarten den compañía di su casá. E embahador Hulandes tabata viaha den compañía di famia J. Beggs, quendenan ta su amigunan personal.

Minister Kroon quende tambe tabata na St. Maarten, procedente di San Juan, a topa cu embahador Schuurman. Minister Kroon a yega Sint Maarten dia 14 di e luna aki, caminda el a asisti na apertura di e Curacao Information Center.

Durante su estadia di tres dia na e isla, el a pone su mes na altura di e ultimo desarrollo di proyectonan y el a keda particularmente impresioná pa e gran actividad di construccion qu ta tuma lugar riba e isla.

ACCIDENTE SERIO AJERA DI AVION.

BOGOTA--UPI--Diezcincu persona a muri awe ora qu un avion di e compañía Avianca a caicercá di e ciudad Sogamoso, den departamento di Boyaca, na Colombia.

E avion di dos motor a cai riba aereo puerto di Sogamosa awe mainta trempan.

Te ne momentonan aki no tin

mayor detaye riba e accidente ni riba e destino di e avion. E compañía Avianca a duna di conoce qu e victimanan tabata e piloto, capitan Hugo Verjel, e copiloto Humberto Moreno y diestres pasajero.

Direccion di Aeronautica Civil, di su parti, a designa un comision pa investiga e desgracia y a anuncia qu pronto nan lo duna un comunicado riba e desgracia.

SANTO DOMINGO--UPI--Secretario di interior, Luis Amiana Tio a presenta ayera su renuncia na president Joaquin Balaguer, denunciando den un carta, cu poliznan no a actua bao di su orden.

Durante e ultimo 48 oranan a ser poduci diferencianan verbal serio entre Amiana Tio y e secretario di fuerzan arma General Enrique Perez, quende a afirma cu su colega di gabinete a exagera ora cu el a sostene cu gruponan VVV incontrala

Noticia di A.C.I.

ORANJESTAD - Directiva di Aruba Chemical Industries a dici di di tene un segundo curso di entrenamiento pa supervisor. E prome curso a tuma lugar for di luna di december 1964 te cu januari 1965, pero for di e tempu aki e compania a adquiri diferente supervisor nobo. E segundo curso ta cuminsa otro luna y lo worde conduci pa sr. Juan J. Cerflogio, un public Relations advisor di Esso Argentina cu a bai cu pension.

Mas adelante, nos a hanja e informacion cu sr. M.E. Fisk, ex vice-presidente y manager di A.C.I. cu te corto tempu pasa director di contact na Esso Pappas na Grecia, a worde nombra como manager di e departamento di coordinacion di e organizacion quimica Spanjo. Dia 17 di april ultimo pasado a yega Aruba sr. Lee Choon, un empleado di Esso Standard Malaya Ltd, sr. Choon lo sigui e curso di training den e departamento tecnico di A.C.I. pa algun luna.

E siguiente empleadonn di A.C.I. a worde traslada temporalmente pa trabao na otro partinan. Sr. C.E. Zelm pa espacio di tres luna lo ta trahando na Colombia pa e compania Abocol, na Cartagena, sr. W.E. Space for di Coral Gables ta reemplasa sr. Zelm durante di esaki su ausencia.

Sr. J.H. Tansey di e departamento mecanico a bandona Aruba pa cubri un puesto nobo na Abogol, Cartagena. E luna aki sr. J.J. Smith di e departamento di produccion ta sali pa su puesto nobo pa Pakistan.

E puesto di sr. Tansey lo worde ocupa pa sr. George Lambriens, kende a worde promove di asistente area supervisor pa area supervisor, mientras sr. F. Jansen ta pasa pa ocupa e puesto di sr. Smith den aerea supervisor - production den e planta di UREA.

Contest Marathon di baile

ORANJESTAD - Un contest marathon di baile lo tuma lugar na Eagle Club diasabra awor dia 29 di april cuminsando pa dies or di anochi. Un baile marathon ta un concurso caminda parehanan ta competi contra otro door di balla continuamente sin stop. E parehanan mester balla riba

ritmo di tipo di musica cu worde toca. Unavez cu un pareha stop di balla of di acuerdo cu e jurado no ta ballando e ritmo apropiado di e musica, nan ta worde elimina. E ultimo pareha cu keda balla lo worde declara ganador. Tin tres premio disponible pa e ganadornan. Prome premio ta cien florin, segundo premio binticinco y tercer premio diez florin. Parehanan cu kier tuma parti na e marathon aki por jama Eagle Club na telefon 2782. Por registra nomber pa tuma parti na e contest aki te diasabra 29 di april anochi pa diesun or.

Dalmentu den van Walbeekstraat

ORANJESTAD - Departamento di trafico ta informa cu diamars a ocuri un accidente den Van Walbeekstraat entre dos auto di familia. Causa di e accidente aki ta cu uno di e chauffeur nan no a duna preferencia. E danjo material ta fl. 200.-

LADRONICIA NA DAKOTA

DAKOTA - Desconocidonan a kibra drenta den un bar na Dakota diamars anochi y nan a bai cu un caha conteniendo cuatro cien florin. Recherche ta buscando e plaka y e culpable di e la-

dronicia aki. Polisnan ademas ta informa cu diamars nan a parti 10 proces-verbal duna cinco asistencia y tres persona a hanja skwal.

DETENI PA LADRONICIA

SAN NICOLAS - Recherche di San Nicolas diamars a detene dos persona kende a haci nan mes culpable na hortamentu di koper for di riba tereno di Lago. Nan tur dos a hanja procesverbaal.

Aruba sin electricidad

ORANJESTAD - Cu excepcion di Lao y Aruba Chemical Industries, diarazon mainta hinter Aruba a keda sin corriente. Corriente a bai pa binti pa ocho y no tabata prome cu binti pasa di diez cu corriente a cuminsa bolbe poco poco. Segun informacion cu nos a logra acumula, e interrupcion a produci debi na un disturbio cu a presenta den e coneccion di Water en Energie Bedrijf pa e center bleuw di Elmar na Bala-shi. Muy probablemente e disturbio aki a presenta den e regulador di turbine di un di e machinnan. E motibu exacto pa cual corriente a worde interrumpi te ainda no ta conoci.

Copa Juliana di Domino

ORANJESTAD - Di parti di Aruba Domino Bond nos a ricibi noticianan relaciona cu e torneo pa e copa Juliana.

E clubnan cu a tuma parti den e torneo aki ta den grupo uno; paradera, Sportboys, Trappers, R.C.A., Caribbean Boys, Central Boys, Orquidea y Bonaire Club. Den grupo Dos Estrella, Yamana, Noord Social, U.P.A., Casa Haime, Baby Bakery, Brazil Social y N.W.I.W.A. Club. Den grupo uno Central Boys a gana tur su weganan y a klasifica pa final contra di Paradera cual equipo tambe a superature clubnan perteneciente na su grupo. E partido di final aki lo worde celebra riba diasabra 29 di april anochi pa siet or y meiden Sportboys club na Angochi. Despues di e partido lo tin entrega di trofeo, pa campeon y subcampeon respectivamente.

MADRID --UPI -- E alumnonan di e universidad di Madrid ta proyecta pa realiza un concentracion en bloc awe, cu e autoridatnan no a autorisa -- pa crea un sindicato estudiantil independiente oficialmente loke e gobiernu ta considera ilegal.

E organizacion aki lo ta e segundo crea den un universidad spanjo den e esfuerzo pa reemplasa e asociacion estudiantil cu ta bow di control di Gobierno. Esun promer a ser establece na e universidad di Barcelona na anja pasá.

Nan ta spera cu e estudiantenan di e dificultad di economia y siencianan politico lo reuni merdia pa establece loke nan ta jama un "asamblea constitucional" cu lo crea e "sindicato democratico estudiantil di e universidad di Madrid, organismo tecnicamente ilegal. Lidernan di e alumnado cu a organisa e asamblea for di cuminsamentu di luna pasá a bisa padilanti cu nan lo asisti miles di nanco-alumnonan na e reunion apesar di e amenaza di autoridatnan di universidad y di polis cu lo trata di stroba e mitin.

Ta ser spera cu e asamblea lo ratifica un "delcaracion energico di principionan" di di esun punto cu lo forma e base di estatutonan di e sindicato.

ANTILLAS SU PROMER SIGARIA



DIA PA DIA MAS GUSTA
PA MAS ARUBANONAN



Diadomingu ultimo, señores Renald Fraal, di Departamento pa Desarrollo Economico y Turismo di Corsow y señor Chai di Aruba, a viaha pa Canada caminda nan lo funciona como guia na e exposicion Antilana den Expo '67 na Montreal. Promer qu nan a bai, nan a bishita e hefe di Servicio Informativo di gobierno Central, señor H.L. Braam.

MILIONARIO A MURI DEN SU YATE NA SINT MAARTEN

WILLEMSTAD- Dia 8 di april ultimo, e millonario norteamericano Richard Siegler a fallece bordo di su yate "Enchanta" na Islarriba.

E yate Enchanta tabata di e millonario mes, y ta ser calcula qu a costa un millon dollar pa construi e yate aki qu tabata sumamente luhoso.

E millonario Siegler tabata un

persona a conoci na St. Maarten. Algun dia promer qu su morto el a caba di regresa for di New York, caminda el a bai pa un bishita di negoshi corticu.

Su assistent a hañe morto riba cama bordo di su yate, mientras qu net ne momentonan el algun amigu di dje tabata yegando waaf pa bai hasi un paseo riba laman cune.

Nan a balsema e restonan mortal y despues a transportele pa Merca.

Diablerne 14 di e luna aki, un representante di famia Siegler a trese shinishi di e millonario St. Maarten, pa embarquele bordo di su yate y despues plama su shinishi den laman.

Reverendo Moffett di Iglesia Metodista a embarca tambe bordo di e yate acompaña pa onderhavenmeester Craane, pa ehecuta e ceremonia aki.

Señor Richard Siegler tabata un norteamericano conoci qu tabata construi y explota centronan di venta na Merca durante di su vida.

DESARROLLO ECONOMICO DI BONAIRE

Den e relato anual di Bonaire, nos a lesa varios cos interesante cu tin di haber cu desarrollo economico di e isla. Un die puntonan aki ta e asunto di coneccion aerea di e isla pa exterior.

Al respecto nan ta scirbi: "Viahenan di grupo cu ta bini Bonaire cu charter no a satisface y hasta a influencia e bishita di turistanan desfavorablemente. Hotelnan mester a nenga varios grupo pasobra nan ta ocupa hopi lugar, aunque nan ta keda poco tempu.

Ademas, e turistanan aki ta keda den hotel y casino so y no ta bay ningun otro caminda. E argumento di directiva di e hotel na Bonaire tabata cu nan mester busca nan pasaheronan cu charter pasobra tin masha dificultad den e coneccion for di Merca cu Bonaire, y cu ta pa cuenta di KLM y ALM.

Antilliaanse Luchtvaart Maatschappij segun e relato di gobierno di Bonaire no a cumpli cu e locual a spera di dje tempu cu nan a fundele.

Otro keho cu nan tin na Bonaire ta cu te ainda e isla no a hanja coneccion directo cu Aruba y loke ta mas serio ainda, Hotel Bonaire a hanja varios, o mihor dicho cantidad di anulacion pa reservacion di hotel y ora nan a bai investiga ta kiko a pasa, un representante di e hotel a hanja di tende cu tantu na New York como na Miami KLM ta bisa e pasaheronan cu no tin lugar den avion pa bai Bonaire y tampoco tin lugar den hotelnan.

No obstante esaki, hopi biaha avion ta yega cu yen di stoel bashi mientras cu yen di kamber no ta ocupa na Bonaire. Na Bonaire e cos aki a crea impresion cu KLM no ta interesa na "bende" e isla cu turistanan y nan ta hanja mas forza pa e argumento aki pasobra e tarifa New York-Corsouw ta igual cu New York-Bonaire, den cual ultimo caso KLM mester duna ALM parti di e prijs di pasashi pa e pasaheronan cu kier sigui pa Bonaire mientras cu ALM tambe tin poco interes pa e tipo di transporte akipaso-bra e prijs cu KLM ta paga pa su pasaheronan ta mas barata cu e pasashi normal di Corsouw pa Bonaire. E cos aki a resulta den cu ta hasi menos propaganda pa Bonaire."

Esaki ta parti di e opinion di e gobernantenan di Bonaire. Na nos parecer tin sea un malentendimiento of un situacion menos sano ta existi y ta deseable pa bini un clarificacion pasobra desarrollo di e isla hermana mester continua y ta ilogico pa traha di un banda pa hiba e isla dilanti mientras cu di otro banda e desarrollo aki ta ser obstaculisa.

PERISCOPIO MUNDIAL

Lidernan di e regimen nobo ke sera e kiebra entre nan y Rey Constantino

ATENAS -- E regimen nobo militar di Grecia awe ta tratando di sera e kiebra grandi entre su lidernan y Rey Constantino. Ta ser bisa cu e monarca hoben ta empenja den un lucha entre bastidores cu hefenan di e hunta militar cu a derroca gobierno Griego di Panayotis Canellopoulos den un golpi di estado relampago diablerne pasá. For di e dia ey, esoberanotabata virtualmente recluiden su palacio di Tatol, 16 kilometer Norte di Atenas, y e hecho cu e no a presenta den publico, ni na radio, ni television, cu e no tin nada di haci cu e alsaltamentu.

Estados Unidos acusá pa Vietnam del Norte.

TOKIO -- Vietnam del Norte a acusa Estados Unidos di a bombardea un aerodromo civil y bula un hospital pafor di Hanoi. Ela añadi cu mas cu 100 civil, incluso pacientenan a resulta herida of morto den e atake. Hanoi a haci e acusacion aki den su declaracion cu a ser anuncia pa Ministerio di Relacionnan Exterior di Vietnam del Norte, den cual e ta haci un "Yamamentu Urgente" na tur pais di mundu pa denuncia e bombardeonnan di Estados Unidos. E comunicado ta expresa cu e aerodromo y e hospital a ser bombardea ayera.

Tragedia na fabrica "Frimotor" (11 morto 35 persona heridá)

BILBAO-- Spanja -- Grouponan di rescate ta kitando e riunannan di un fabrica di cuater piso cu a cai aden, atrapando e obreronan cu tabata den e edificio bow di miles di tonelada di cement.

E saldo oficial di mortonan te awe mainta tabata 11. Nan ta kere cu 5 trahadó mas ta dera bow di e restonan di e fabrica, "Frimotor" cu ta produci wasmashin y otro aparato bow di licencia di un compania di Estados Unidos.

Segun un vocero di e fabrica, 35 obrero a ser heridá, di cual algun ta masha grave. No tin masha speranza pa salba e cincunancu ta bow di e ruinan.

Coronel Komarov su shinishi ta hanja lugar den muraja di Kremlin.....

MOSCU -- Shinishinan di e promer victima di un vuelo espacial cu historia ta registra, awe lo ser poné den muraja di heroenan di Kremlin. Mientras e canjonnan di rouw ta tira e ultimo saludo na Vladimir Komarov, e hombernan di ciencia y funcionarionan espacial lo reanuda nan investigacion di e accidente cu a causa morto di Colonel Komarov mientras e tabata precipita na tera den su nave Soyuz-1, di luna pasa.

E urna grijs di metal cu ta contene e shinishinan lo ser traslada di e edificio di ehército den centro di Moscu, na unda mas o menos 100.000 persona a haci nan ultimo tributo na e cosmonauta martir den Plaza Roia.

HONOR MILITAR NA ENTIERRO DI COSMONAUTA KOMAROV

MOSCU --UPI -- Centenares di Moscovita a desfilar ayera lenta y tristemente tras dje restonan mortal di e prome martir sovietico di espacio Vladimir Komarov, quende su morto tragico a ocasiona ayera un golpe duru pa speranza dje nacion ey di hiba e prome homber na superficie di luna.

Encabeza pa e prome ministro Alexei Kosygin y e prome Cosmonauta Yuri Gagarin, funcionarionan di gobierno y di programa espacial a dirigi nan pa demostra e guardia di honor hunta na e urna di metal gris cu tabata sosega riba un cerru di flornan den e sala di vander di Casa di Ehército. E desfile di duelo a ser incia pa tata dje defuntu, Mikhail, un hardinero antiguo di Moscu cu a bandona e hospital camina e tabata drumi pa bin jama e ultimo adios na su jiu.

Na su lado tabata camnando e viuda di Komarov Valentina, hunta cu su jiu homber di 15 anja di edad. E otro jiu muher cu tin 9 anja no tabata ey presente te cu na ora dje ceremonia funebre.

Shinishi dje Infortunada cosmonauta lo ser traslada awe pa plaza Roja pa ser sepulta den e muraja di Kremlin, panteon di heroenan di Union Sovietica. Entretanto casi 100.000 persona a keda ta warda casi cuater ora formando dje manera ey un fila di mas di tres kilometer di largura pa rendi tributo na e defuntu.

Guardianan militar y agentenan civil cu cordonnan di luto tabata controla e dos filanan di acceso na e edificio di Piedra Azul y Blanca, permitiendo e paso di

200 persona pa minuut.

Omnibus tras di omnibusnan carga di hende, homber y muhe y muchanan cu flornan tabata yega constantemente dje fabricanan y organisacionnan gubernamental dje capital y nan alrededornan, mientras un banda militar consistiendo di 50 miembro tabata entona musica funebre tradicional

Segun transcurso dje tempu di funeralnan di estado, prensa sovietico tabata coicidi na pidi un investigacion exhaustiva pa determina e falla dje paracaida dje cosmonave Soyuz (Union) Uno, debi na cual e vehiculo a precipita na terra desde mas di 600 meter di altura, cu un velocidad di mas di 500 kilometer pa ora, ocasionando e morto instantanea di su piloto.

Sin embargo, e investigacion a keda dificulta pa e hecho cu e unico testigudje accidente, Komarov a muri.

E unico homber cu lo por a bisa nos tur detalles respecto e desastre hamas lo por bisa nos nada, asina e diario gubernamental "Izvestia" a bisa ayera den su edicion "pero nos sa firmemente cu technican lo sondea cada informe cu escrupulosidad fol momentu cu Komarov a drenta e vehiculo, considerando cada un dje detallenan."

Su morto ta significa un golpe duru pa e programa espacial sovietico por lo pronto no ta di spera cu lo tin vuelonan nobo pa modifica e causanan cu a ser determina.

RIP KIRBY

JAN BODEGOM & CO. (ARUBA N.V.)

Agente exclusivo

FRIESCHE VLAG lechi evapora y lechi en polvo.

MAXWELL HOUSE KOFFIE

BOTICA

NACHTDIENSTEN: Oranjestad
Botica Aruba. Tel 1080/1081/1180
San Nicolas Botica San Lucas
Tel. 5119.

TEATRO DE VEER

De Veer: 2.00 p.m. "Pontius Pilatus" all
8.30 p.m. "La Patota" 18 j.
Rialto: 8.00 p.m. "Phaedra" 18 j.
Principal: 8.00 p.m. A Fist Full of Dollars" 14 j.
Aurora: 8.00 p.m. "Casanova 70" 18 j.
Savaneta: 9.00 p.m. "Ilsead in the sun" 18 j.

PROGRAMA DI TELEARUBA

5.00 Secret storm; 5.30 Cartoons; 6.00 Whirlybirds; 6.30 Public serv. 6.45 PRot. Church; 7.00 International News in Papiamentu; 7.30 Strand Hotel across 7 seas; 7.45 Sportnews in Papiamentu; 8.15 Esperanza/Twilight zone; 8.45 Hogan's heroes; 9.00 International & local news in English; 10.00 I Spy; 10.30. International News in Dutch; 10.35 Defenders.

mejorar su salud. Salga esta noche con personas que congenien.

VIRGO (agto. 23 a sept. 22) Separe tiempo para ayudar a uno que está en un verdadero aprieto, aunque le restrinja un poco sus propias actividades. Demuestre que es una persona que sabe cooperar.

LIBRA (sept. 23 a oct. 22) Usted quiere fomentar amistades nuevas y un regalito hará mucho en lograrlo. Usted también puede hacer mucho por avanzar sus propios anhelos. Proceda de un modo práctico.

ESCORPION (oct. 23 a nov. 21) Cierta individuo puede que tenga el punto de vista correcto aunque no esté enteramente de acuerdo ahora con lo que ha sugerido. Proceda de un modo circunspecto en los asuntos cívicos.

SAGITARIO (nov. 22 a dic. 21) Otros tienen ideas muy inspiradas, de modo que escúcheles atentamente antes de expresar las suyas propias. Entonces podrán combinar sus esfuerzos hacia una meta que valga la pena.

CAPRICORNIO (dic. 22 a ene 19) Es aconsejable que lleve a cabo las promesas hechas a una persona de fuste, de otro modo se podrá meter en líos. Obtenga de los expertos la información que requiere.

ACUARIO (ene 20 a feb. 18) Cooperar con sus aliados en todas las esferas de sus empresas. Es la mejor manera de avanzar hoy. Sea más generoso con otros y logrará resultados más satisfactorios. Sea práctico.

PISCIS (feb. 19 a mar. 20) Usted tendrá que mostrar más eficiencia y añadir más belleza a sus pertenencias si quiere vivir una vida más plena. Sea más artístico si quiere que lo respeten. No tome las cosas tan suavemente.

SI SU HIJO NACE HOY..... Será uno de esos hombres interesantes que desde temprano demostrará tener una mente asombrosa y podrá lograr un gran fama en el transcurso de su vida.



DICK TRACY

presenta pa cortesia di:

VICTORIA BOTTLING

PEPSI COLA-SEVENUP-GRAPETTE-KIST--

VICTORIA SODA WATER-BUFF ALO ROCK--GINGER ALE



PEPITA



"SU AMANTE"

Mi tabata tin miedo, pasobra mi a comprende cu nunca mas lo mi por deshaci di mi stimacion pa Lasley, y tambe mi tin idea cu Lasley ta e tipo di hombre cu no ta casa. Den cierto sentido e ta casá caba cu e avionnan. Mi ta sali di su cuarto, cana den e corredor cu ta jega na mi propio kamber. E teddy-beer, basta bjeuw caba, cu mi a jega di haya regalo serca Lasley, ta poni keto bai riba mi cusinchi, su lugar di semper. Den mi cuarto tin diferente potret cortá for di corant, cu Lasleyariba. Mi a corta nan y plak nan na mi muraya di kamber. Tambe mi tin mas potret di Lasley cu su avionnan riba mi tuallet y mi boekenkast. E potret reciente cu el a saca, mi a pone bandi bentana. Mi a cohé y pone riba mi nachtkast bandi mi cama, y despues mi a pone e teddybeer, unda e potret tabata. "Mi ta mayor di edad", mi ta bisa den mi mes. Mi ruman hombre Nico ta cana drenta, tur gemors cu inkt; e tabata pintando. "Alida, bo sa cu bo tin binti nuebe potret di Lasley den bo cuarto?", e ta puntra cu bofon. Den mi mes mi ta pen-

sa: "Esey ta cinco menos cu Lasley su edad y nuebe mas cu esun di mi. "Kiko ta pasando cu bo Alida? Mi ta hayabo strango", su ruman ta bisa: "Mi no sa si mi mester felicita bo of tene duele di bo". "Dicon?" Nico ta pone e potret bek, y ta pasa su man sushi den su cabey. "Boso diferencia di edad, por ehemplo. Dies cuatro anja ta basta hopi. Y manera pa mi, bo tin hopi competencia. Tin hopi mucha muher loco cu né". "Berdad?", Alida ta puntra. "Mi no a ripara nunca "Abo ta miré solamente ora e bin cas, pero no lubida cu e ta bula bay tur caminda di mundo, y mester tin mucha muher den su vida." Mi tabata sa, cu mi ruman kler yudami pa mi no bay keda desilusioná, pero awor ta mucho laat caba. "No ta importami, si tin otro mucha muher den su vida", mi a contesté. "Mi no ta sigur cu e tin otro mucha muher Alida, pero e ta un tipo agradabel, cu ta gusta fiesta, y door di esey bo por imaginá, cu tin hopi muhe ta corre su tras, y kizas simplemente pasobra e ta gusta gasta placa. "Nunca mi a pensa

riba esey, pero mi a ripara si, cu semper e ta man los pa nos famia", mi a contesta, mientras mi ta keda mira e potret di Lasley. "Tambe bo tin un competidor masha fuerte Alida, y esey ta su avion. Bo ta preferá di ocupá un segundo lugar den su vida, y lagué dedica tur su tempo na su avionnan?" "Wel, mi a jega di pensa esey caba. Lasley ta inseparable di su avionnan, y no tin nada y ningun hende cu por strobé. "Mi ruman ta keda mirami na un manera investigador. "No cu mi kler desanimabo, pero si mi tabata un mucha muher, lo mi no envi-diabo.

WILLEMSTAD, -- Un mucha hombre di 20 anja cu ta traha na garashi di su tata a hanja pleitu cu esaki, como segun é e ta gana poco como monteur. A consecuencia di su actuacionnan sin respet e tata a dicidi di kita switch di auto di e jiu y a tahela di corre auto. E jiu a basha gasolin riba e auto y peguele na candela. E auto a kima por completo. Brandweer di Rio Carnario a paga e candela.

HOROSCOPO

ARIES (mar. 21 a abril 19) Salga temprano de las tareas aburridas y refúgese con personas atractivas que posean ideas para su avance. Escuche y sigalas. Proceda de un modo circunspecto para que nadie se ponga celoso.

TAURO (abril 20 a mayo 20) Mejor que lleve a cabo lo que un pariente desea de usted puesto que sus asociados y la competencia están algo difíciles hoy. Comience un ascenso en lo relacionado con los asuntos básicos.

GEMINIS (mayo 21 a jun 20) Usted necesita obtener alguna información importante y debe hacerlo para que olvide lo aburrido. Unas conversaciones con sus asociados pueden ampliar sus conocimientos y más independencia.

CANCER (jun. 21 a jul. 22) Olvide lo fútil y concéntrese en cualquier cosa de naturaleza monetaria. Usted puede añadir mucho a su abundancia presente. Mira cómo puede mejorar su casa y otros bienes inmuebles.

LEO (jul. 23 a agto. 22) Usted puede lograr mucho hoy si se concentra en lo que más le interesa. Evite a un pariente que no piensa como usted. Trate de